

**ATORAN SAMBAYANG AKAN ANDAU MINGGU BAHASA DAYAK NGAJU
MINGGU, 14 MEI 2023**

1. PERSIAPAN / INTROITUS

- a. Doa Konsistori
- b. Berita Jemaat
- c. **Ungkup mendeng** tuntang manyanyi bara **Nyanyin Ungkup No. 114 : 1 - 3 "TUHAN HATALLANGKU, IJE INARAKU"**
- d. Presbiter

2. VOTUM TUNTANG AUH TABE (P)

"Pandohop itah huang aran Tuhan, ije jari manjapa langit tuntang petak, ije jari mahaga janjiie sampai katatahie, ije dia maku manalua kare tampan lenge"

"Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus" Amen. *(ungkup munduk)*

- 3. MANGAKU DOSA (L)** Keleh itah mamparandah arep itah into taharep Hatalla, Tuhan itah, hayak mangaku dosan itah : "Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei". Amen. *(ungkup mendeng)*

4. BARITA ASI SINTAN HATALLA (P)

Kilau rewar Yesus Kristus, ikei mambarita dengan gagenep olah ije jari mangaku dosae into taharep Hatalla dengan kabujur ateie. Hatalla hamauh : "Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau" (Jesaja 44 : 22) *(ungkup munduk)*

5. UNGKUP MANYANYI bara **Nyanyin Ungkup No. 170 : 1-2 "YESUS PANDOHOP IJE HAI"**

- 6. MAMBASA AUH HATALLA,** Keleh itah mahining auh Hatalla ije tarasurat huang Surat Barasih, iete bara Janji ije sulake iete bara Surat **MASMUR** bagi **66** baris **8** sampai **20** ije kalotoh auhe :

Njanji tara, basa Hatalla djari magah tuntang mawat utus ayue

66⁸ Tara Hatallan itah, o kare utus uluh, sanan papahining horumat aie! ⁹ Ie jari mahaga mabelum hambaruan itah tuntang mangahana pain itah tanggarurus. ¹⁰ Karena ikau jari mariksa mangkeme ikei, o Hatalla, tuntang mamparasih ikei kilau mamparasih salaka. ¹¹ Ikau jari manamean ikei akan jarat tuntang mamuat tanggungan intu ikei. ¹² Ikau djari manyuhu ulun mukung takuluk ikei, ikei jari buah apui tuntang danum; tapi ikau djari mampalua ikei tinai akan kutuh kamangat. ¹³ Aku handak tame humam mimbit are parapah ije ingehu, tuntang handak malalus miatku dengam, ¹⁴ ije inyewut tutuk biwihku, ije ingutak nyamangku metuh kajakengku. ¹⁵ Parapah awang ingehu handak iluputku akam, ie te, tabiri awang baseput, tuntang ewau kehun parapah bara tabiri hatue; aku handak maluput sapi tuntang kambing. – **Sela** ¹⁶ Kantuh, seneh, ketun handiai ije mikeh Hatalla, aku handak manyarita taluh awang jari iawie dengan hambaruanku. ¹⁷ Ie jari intehauku hapan nyamangku, auh tara jari atun hunjun jelangku. ¹⁸ Jaka ateiku jari mangenang taluh papa, tutu pangkahai Tuhan dia jari mahining auhku....

¹⁹ Tapi Hatalla jari mahining auhku, ie jari manumun auh usukku. ²⁰ Tara akan Hatalla, ije jatun jari manganan auh lakungku, dia kea mundur asie bara aku ?

Sampai hete auh Hatalla ije imbasa akan itah katika toh : “*Salamat oloh te, ije mahining auh Hatalla tuntang mahagae jete huang pabelome*”. (Lukas 11 : 28)

7. **MANGAKU KAPARCAYA (L)**

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyame kalotoh :

“Aku percaya huang Hatalla, Bapa ije jatun tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah.

Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jatun tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie.

Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pabelom ije katahahie”.

5̄ 5̄ | 6̄ 5̄' 1̄ 1̄ | 2̄ 1̄' 4̄ 4̄ | 3̄ 2̄ 1̄ 2̄ | 1̄ . || (*ungkup munduk*)
Hale-lu-ya, Hale-luya, Hale - lu - - ya !

8. **UNGKUP MANYANYI** bara **Nyanyin Ungkup No. 236a : 1 - 3 “KELEH ETER BUJUR WEI”**

9. **MAMBARITA AUH HATALLA (P)**

a. Mambasa nast tumon je inukas huang Almanak GKE : **Ewangelion, inyurat JOHANNES** bagi **14** baris **15** sampai **20**

Tuhan Jesus manyuhu murid percaya huang Ie

14 ¹⁵ Amun ketun sinta Aku, haga parentahKu. ¹⁶ Maka Aku kareh balaku intu Bapa tuntang Ie kareh manenga akan ketun Pandohop beken, uka jete melai dengan ketun sampai katatahi, ¹⁷ ie te Roch katutu, ije jatun tau inarima kalunen, basa kalunen jatun mite ie, jatun kea kasene ie; tapi ketun kasene ie, basa ie melai hinje ketun, maka ie kareh atun huang ketun. ¹⁸ Aku jatun malihi ketun kilau nule; Aku haluli tinai tangguh ketun. ¹⁹ Hanjulu hindai, maka kalunen jatun mite Aku tinai; tapi ketun mite Aku; karena Aku tuh belum, maka ketun akan belum kea. ²⁰ Intu andau te ketun kareh harati, aku tutu huang ApangKu tuntang ketun huang Aku, tinai aku huang ketun.

- b. Lakudoa pandak
- c. Mambarita Auh Hatalla
- d. **Balaku Doa Safaat,**

inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK. TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA...

... JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMIN.

10. **MALUPUT PARAPAH (L)**

Toh aton katika akan itah manyarah parapah, je patame itah hung amplop parapah. Inyung akan kotak baun gereja, katika pumpung sambayang jadi hapus.

- a. Keleh toh itah mahining bara II Korintus 9 bagi 6 sampai 7, ije hamauh :
 "Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujuan, karena oloh ije rajin manenga, ingilak Hatalla".
- b. **BALAKUDOA** : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.
- c. **UNGKUP MANYANYI** bara **Nyanyin Ungkup No. 218 A : 1 - dst "YESUS AKU TOH MANYARAH"**

(ungkup mendeng)

11. **BERKAT TUHAN (P)** Keleh toh buli dengan kasanang tuntang tarima Berkat Tuhan :

"Keleh Tuhan mamberkat keton, tuntang mangalindong keton.

Keleh Tuhan manyangkowong baue tambuan kenton tuntang masi keton.

Keleh Tuhan manyangkowong baue hunjun keton, hayak manenga kasanang akan keton"

(Numeri 6 : 24 - 25)

1 . 2 3 | 4 . 3 . ' | 2 . 1 . ' | 4 . 2 . | 1 . . . ||
 A - - - - - min a - min a - - min.

SALAMAT ANDAU MINGGU.. HATALLA MAMPAHAYAK ITAH SAMANDIAI

NU 114. **TUHAN, HATALLANGKU IJE INARAKU.**

A = 1

Lago: L.N. No.146.

3/4

1	1	2		7	.	1	2		3	3	4		3	.	2	1	
Tu	han	Ha	tal	lang	ku	i	je	i	na	ra	ku						
2	1	7		1	.	0		5	5	5		5	.	4	3		
Ra	jan	ka	hai!					O	loh	sa	man	di	ai,				
4	4	4		4	.	3	2		3	4	3	2	1		3	.	4
has	ta	ra	mam	pa	hai	Tu	han	Ha	tal	lang							
5		6	4	3	2		i	.	.								
ku,	tem	pon	ka	hai!													

2. Krana paham kahai sintae dan asi aie, kutoh kataue.
 Ie nampayah wei taloh injapae te tuntang mamberkat toh taloh samai.

3. Aku manyembah toh, Tuhan, Hatallangku, je pangkahai.
 Handak manumon wei prentah je brasih te tenga toh akangku kuasan Roh aim.

170. YESUS PANDOHOP IJE HAI.

C = 1

Lago: Kommt, stimmt alle jubelnd ein.

4/4

R.L. 30. L.N.P. No. 20.

mf
1 3 4 5 5 | 6 7 i . | ^f2 . 7 . 7 | i . . . |

Ye sus Pan do hop i je hai ma gon be wei.

1 3 4 5 5 | 6 7 i . | 7 . 6 . 6 | 5 . . . |

I e Pam pa ngat o loh aie je to to te.

p
4 4 3 2 4 | 3 i 5 . | *mf* 4 4 3 2 4 | 3 i 5 . |

Ye sus ka se ne o loh aie. Auh a yue me lai ka ta tai

^f
i i . i i i | 2 i 7 6 | 5 . 7 . 7 | i . . . ||

I e pa ma si ha li ai ma gon be wei.

mf
5 . 6 . 6 | 4 . . . | 4 . 5 . 5 | 3 . . . |

Ma gon be wei ma gon be wei.

^f
i i . i i i | 2 i 7 6 | 5 . 7 . 7 | i . . . ||

I e pa ma si ha li ai ma gon be wei!

2.

Suman kan oloh handiai, sintae je hai.
Ie malihi sorga aie tuntang kahaie.

Ingat toh keton, ingat ah gawi aie hunjun Golgota,
heran dan hai, Halleluya, sintae je hai!

Sintae je hai, sintae je hai,
heran dan hai, Halleluya, sintae je hai!

Bes = 1 236a. KELEH ETER, BUJUR WEI.

4/4

Lago: L.N.No. 68.

1 1 1 . 3 | 2 . 1 7 . 1 2 0 | 3 2 3

Ke leh e ter, bu jur wei! Ke leh

4 3 2 | 3 2 1 0 | 2 5 2 . 7 | 1 . 3

e ter bu jur wei! A loh kpe he ma

2 . 1 7 . 6 5 | 2 2 2 . 5 | 2 . 3 2 . 1

wi i tah, bu ah i tah to to

7 . 6 5 | 1 1 1 . 3 | 2 . 1 7 . 1 2 0 |

om ba Ye sus Ju ru sla mat te.

3 2 3 4 3 2 | 3 2 1 0 ||

Ke leh e ter bu jur wei!

2. Keleh eter, bujur wei,
keleh eter, bujur wei!
Klahi toto, lawan musoh
awang maroh itah hetoh;
horoi jalan slamat te.
Keleh eter, bujur wei!

3. Keleh eter, bujur wei,
keleh eter, bujur wei!
Tatap dengan lakudoa,
hayak ingat uka jaga;
himat lekak dosa te.
Keleh eter, bujur wei!

NU 218a. YESUS AKU TOH MANYARAH

As = 1

Lago: Jesus, alles sei Dein eigen.

4/4

L.N.P.No. 18.

1 1 6 5 5 | 1 2 3 1 1 | 5 5

Ye sus a ku toh ma nya rah a kam

A ku han dak be lom a kam. i je

3 2 1 | 1 3 2 2 . : | II 2 7 1 .

ha pus bi ting ku.

pu na Tem pong ku.

1 3 5 3 | 2 1 6 1 1 | 4 5 6 5 3 |

Toh dan pa lus ka ta ta hie, Ye sus a ku

1 3 2 2 . | 3 3 6 5 5 | 3 4 3 1

ba ris aim; a kam ha pus bi ti aing

1 | 5 5 3 2 1 | 2 7 1 . ||

ku, a ku hu ang le nge Aim!

2. Kare ramon bereng akam, mate, pinding, lenge, pai;
nyamangku mansanan taram, hetoh, palus katatai.
Toh dan palus katatahie, Yesus aku baris Aim;
akam hapus biti aingku, aku huang lenge Aim!

3. Toh kalunen tuntang kipee inalikut huangku.
Hung kahanjak, hung kapehe Tuhan ih kaharapku.
Toh dan palus katatahie, Yesus aku baris Aim;
akam hapus biti aingku, aku huang lenge Aim!

4. Jete taloh heran toto : Aku eka sintam toh;
aloh dosa aingku kutoh, aloh hai kasalangku.
Toh dan palus katatahie, Yesus aku baris Aim;
akam hapus biti aingku, aku huang lenge Aim!

5. Hayak aku mingat sintam, belum hambaruangku.
Ateiku taharu dengam, akam wei pambelomku.
Toh dan palus katatahie, Yesus aku baris Aim;
akam hapus biti aingku, aku huang lenge Aim!